

## Tovarlarni sotish

12. Quyidagi shartlar bajarilganda tovarlarni realizasiyasidan daromad tan olinadi:

12.1. Xo‘jalik yurituvchi sub’yekt tovarlarga egalik qilishning xatarlari va afzalliklarining salmoqli qismini xaridorga topshirganda;

12.2. Xo‘jalik yurituvchi sub’yekt odatda mulkka egalik qilish bilan bog‘liq bo‘lgan darajadagi rahbarlik davomiyligini ham, sotilgan tovarlarni nazorat qilish samaradorligini ham saqlab qolmaganda;

12.3. Daromad summasini yuqori darajadagi ishonchlilik bilan baholash mumkin bo‘lganda;

12.4. Xo‘jalik yurituvchi sub’yekt bitim bilan bog‘liq iqtisodiy naf olishi ehtimoli mavjud bo‘lganda;

12.5. Bitim bilan bog‘liq qabul qilingan yoki kutilayotgan xarajatlarni yuqori darajadagi ishonchlilik bilan baholash mumkin bo‘lganda .

13. Asosiy xo‘jalik faoliyatidan daromad faqat operasiya bilan bog‘liq bo‘lgan iqtisodiy naf xo‘jalik yurituvchi sub’yekt tomonidan olinadigan taqdirdagina tan olinadi. Daromadga kiritilgan summani undirish xususida noaniqlik vujudga kelgan taqdirda qaytarilmagan summa yoki olish mumkin bo‘lmagan summa dastlab tan olingan daromad miqdorining o‘zgartirilishi sifatida emas, balki xarajat sifatida tan olinadi.